

Zeitschrift: Berner Zeitschrift für Geschichte und Heimatkunde
Herausgeber: Bernisches historisches Museum
Band: 54 (1992)
Heft: 1

Artikel: Niklaus Manuels Satire von der "Krankheit der Messe" : Verwandlungen eines frühneuhochdeutschen Textes
Autor: Zinsli, Paul
Anhang: Niklaus Manuels "Krankheit der Messe"
Autor: [s.n.]
DOI: <https://doi.org/10.5169/seals-246664>

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 11.01.2026

ETH-Bibliothek Zürich, E-Periodica, <https://www.e-periodica.ch>

«Krankheit der Messe»

Zeichen- und zeilengerechte Wiedergabe des Textes nach dem Druck *Res. 898* der Zentralbibliothek Zürich (identisch mit dem Druck *AD 125 (6)* der Stadt- und Universitätsbibliothek Bern).

5		EJn klegliche Botschafft dem Bapst zů komen/ antreffend des gantzen Bapsthũmbs weyding/ nit des viechs/ sonder des zartten vōlcklins/ vnd was syn hey= dischheyt darzů geant= wurt vnd than hatt.	
10	Psalm. lxxxij.	Wie lang wend jr richten vñ ne= men an die per= son des gotlosen.	Psalm lxxxij. Richtend dem ar= men vnd wāysen/ vnd helffend dem dürfftigē zů recht.
15	Matth. xxiiij.	So dañ jemant zů üch sagē wirt/ Sihe/ hie oder da ist Christus/ So glaubends nit.	Psalm. lxxj Mein Gott hilff mir vß der hand des gottlosen/ vß der hand des vn= rechten vnd gru= samen.
20		Jn wegen vnd messen/ ist der größt falsch gesessen.	

Der Cardinal zům Bapst.



5

Ller heyligster vatter/ ich hab
ein epistel vß dütsch landen entpfan
gen/ aber grusamlicher erschrocken=
licher ding ist für mein vernunfft nye
komen/ gang die zerstörung Hierusa=
lem schlaffen.

Bapst.

10 Was ists/ driffts das gantz erdtrich an/ sonderbar
lüt/ oder gadt es über ein gemeinen stand

Cardinal.

Es drifft den besten/ stercksten/ vnd drifft den steyn
an im pfullment/ daruff die gantzen pfaffenheyt ge=
buwen ist.

15

Bapst.

Nun walt sin Gott/ Es ist die Meß/ das armbrost
ist lang gespannen gestanden/ so bald es latt/ so sind
wir all geschossen.

Cardinal.

20 Ja herr jr hands erratten/ ich bin erschrocken das
mir die zeen klopfen.

Bapst.

25 Wie stats aber vmb sy/ ist nit noch hoffnung gůtts
radts zů finden/ es ist nüt böser dañ ablan/ dañ wo
man vns den schemel entzuckte/ so lāgē wir all vff dem
boden.

Cardinal.

Jch bin gantz erstummet vñ erschrockē/ Radtend
jr/ dann ich han weder vernunfft noch athem.

30

Bapst.

Was ist der vnfal/ oder in was gestalt leydet die
Meß not?

Cardinal.

35 Sy ist anklagt/ verlümbt/ vßgerüfft/ vñ verschrü=
wen/ sy sye ein betriegender geltkutz/ ein grüwel/ gots
lesterung/ vnd die grōßt abgöttery/ so ye erwachsen/
sytt das di erd gestanden sye/ vnd ist zū besorgē/ man
werd jro den eydt von knechten geben.

Bapst.

40 Ists aber gewyß war/ oder nūmen ein schreckbōtli.

Cardinal.

Es ist als gewyß/ als der todt allē yrdischem leben.

Bapst.

45 Das ist erschrockenlicher zūhören/ denn der erdby=
dem des nachts/ vnd grusamer zū sehen/ dann die fin=
sternuß zū mittem tag.

Cardinal.

Ja herr/ kein zyffer möchte den schaden fürbilden/
sonder so sy jro für recht gebotten hand.

50 Bapst.

Vnd wer sind aber vnser Meß widersecher/ Judē/
Türckē/ oder Heydē/ in denē sich solcher freuel erōgt.

Cardinal.

55 Es ist das nachtmal Christi der hauptsecher/ vnd
seine bystender/ die so den Christen tauff empfangen
habent/ hoch gelert/ vnd vngelert pfaffen vnd leyen/
vnd dero vil on zall.

Bapst.

60 Das ist erbermiglich vnd schedlicher/ dañ die ver=
derbung Sodoma vñ Gomorra vom hellischē feür/
yetzt rindt vnser schiff an allen orten.

Cardinal.

Ja Herr/ ich förcht/ es helff keyn verstopffen/ wir
hend gegen wind/ vnd sind vns alle rüder brochen.

65

Bapst.

Vnnd wer ist aber für ein richter angerufft/ oder
fürgeschlagen.

Cardinal.

70

Das sind die fünfftzehen Epistel der zwölffbottē/ die
geschicht der Aposteln/ vnnd ob die Meß nit gichtig
vnd anred wölte sin jrer ansprach/ so wöllend sy alle
gūten Propheten zū zeügen stellen/ vnd vertröstē sich
starck vff die Epistel zū den Hebreern/ auch sol das
alt Testament obman syn.

75

Bapst.

Das freüwt mich ebē/ wie den stültzer der hoppen=
tantz/ da würden wir als vil angewinnen/ als einer
der ein messer am feür wil wetzē/ Die richter sind par
teysch/ vnd von anfang all weg wider vns/ sy wurdē
80 vnser Meß glych als gesund syn/ als dem künig Pha
rao das rodt meer/ möchten wirs aber für den vß=
spruch der geistlichen Recht bringen/ so wer der sach
geratten vnd schon geholffen.

Cardinal.

85

Das ist schon versehen/ vnd ein verlorne red/ dann
bey dem volck ist nüt vnwerders/ argweniger/ vnnd
verlūmbter/ dann die Geystlichen Recht/ ja sy halt=
tents schnöder dann das brett hinden am gemeinen
sprach huß/ da die buren die vnsuberen zollen über ab
90 werffend.

Bapst.

Ich weiß noch ein tröstliche zūflucht/ wir wend
dapffer/ redlich/ handtfest/ vnnd drützlich lüt anrūf=
fen/ die es den klegern ab erschreckend mit trōw wor=
95 ten vnnd streychen/ vnd die selbigen bereden/ die kle=
ger seyend die ergisten ketzer/ so die welt ye getra=
gen hab/ sy wöllen Christum von allen ehren stossen/
verleugnent Gotts allmechtigkeyt/ schmehend die
wyrdig mütter Gotts/ all heyligen vnnd engel/ ler=
100 nen/ man soll nüt gūtts thun/ alle Oberkeyt vßtyl=
gen/ vnnd nyemandt das seyn geben/ man muß sy

aber vorhyn wol mit geldt salben/ Dann werden
sy so lynd/ das man ein roß ysen in sy schwetzte.

Cardinal.

- 105 Sôlt das mōgen helffen/ so wer nüt versumpt/
auch keyn kost gespart/ wir handts versucht/ vnnd
zwar nit on mercklichen kosten besteltt/ Hans strich
den bart/ Kūntz syhe suer/ Claus flūch ũbel/ Rūdy
treūwer/ Vly boch den tisch/ Hemmy geltrap/ die
110 auch jr bests gethan/ aber nütt mer geschaffet
hand/ denn hettend sy die wyl zum regen bogen ge=
worffen.

Bapst.

Vnd wie kompt das/ das hett ich nit gemeint.

- 115 Cardinal.

- Ja sy sind nit all bestellt/ die suer sehend/ die wider=
part kans auch/ vnnd gadt hie nach dem gemeinen
sprichwort/ einer bochet/ der ander gibt nüt drumb.
Das ist aber das aller bōst/ die armen drostlosen
120 Meß/ als sy gesehen hat/ das von jro gewichen sind/
jre pundgnossen/ begrebt/ dritten/ sybenden/ dryß=
gost/ jarzyt/ sampt dem opffer/ bißhār darzügetra=
gen/ hat sy den handel so schwār zū hertzen gefasset/
dz sy tōdtlich kranck leitt/ vñ ist jrs lebens wenig hoff=
125 nung/ aber grōßlich zū besorgen/ ob sie schon nit für
gericht kome/ sie sterb sunst ab.

Bapst.

Lieber meinstu nit ob jr mit einer baden fart zū
helffen were/ Blüttigen angst/ koßt es waß wōlle.

- 130 Cardinal.

- Ja ich mein es hab kostet/ es ist vergebens/ wir
handts schon versucht/ aber sie für kretzig dar/ vñ
rūdig wider dannē/ sie ist fast wūst vßgeschlagē/ aber
nüt geheylet/ Es sind sydher erst grosse löcher in sie
135 gefallen/ vnnd hat Etikam/ den schwinenden siech=
tag über kommen/ sich eben gebessert/ wie der beltz
vom weschen.

Bapst.

Ich wil sie dem wittberümpften artzet/ Doctor Jo
140 han Rundegk befehlen/ vnnd im Doctor Heyoho zů=
geben den Apotecker.

Cardinal.

Hand wir so vil verbadet/ so land vns recht den
kosten auch dran wagen/ vn̄ glück waltten/ gend jnen
145 nūmen ein huffen schm̄r in die Büchßen/ deñ sy mūs=
send vil versalben.

(Als nun die zwen obbenemptē der Meß zů helffen
bestelt/ warend sy flyssig/ vn̄ handeltend wie
jr werden vermercken.

150 Doctor Rundegk besach jro den harm/ greyff die
bultzader/ vnnd sprach/ Die Meß ist schwach/ sy ist
neyßwan vnder den wyßgerbern gewesen/ die hand
jro di ripp zerstossen/ vnnd ist jro ein groß geschw̄r
am Canon gewachsen.

155 Doctor Heyoho Apotecker.

Es ist ein alter schaden/ sy hat den gepresten an die
welt bracht/ vnnd ist von anfang jrer gepurt nye ge=
sundt jnwendig gewesen/ wie schön sy von vssen glyß=
sen hat/ es sind vil berümpfter artzet daran zů schan=
160 den worden/ darumb ist vns not/ gũts radts vnd flyß
anzůkeren/ mōchtend wir jro ein vffenthalt geben/
so wer vnser suw feyßt/ es wurd vns dem gynen lo=
nē/ Darumb herr Doctor/ so eylend schnell mit üwer
kunst/ so hab ich hie allerley confeckt/ rōmische stuck/
165 gewürtz vnd krüter/ die jr wyssend/ mit bracht welt=
wysser klůgheit/ zů temperieren/ nach Aristotelischer
wyß/ vnd Sophistischer art. Thũnd den rucken dar=
hinder/ ich wil mich auch nüt sparen/ mir ist schm̄r
von Rhom geschickt/ darmit wil ich salben/ es muß
170 gan/ vnd wers als ruch als ein ygel.

Doctor Rundegk.

So wol her/ wir wöllend von sachen radten/ Erst=
lich wil ich ansehen/ die Meß syge in eim bösen zey=
chen/ nemlich/ im scorpion empfangen/ im krebs/ vnd

175 schwynenden Mon geborn/ es regiert sy auch der
wackelmütig vnd böß planet Marß/ vnnd zwar sy
hett ob den achtzechnen vättern gehept/ die an jr ge=
machent haben/ das zeygt an jr harngestalt/ vnd we=
sen/ harumb wil vns nott syn/ vnnd gebüren grosser
180 sorgfeligkeit/ dann sy ist von mancherley naturen/
specien vñ qualiteten zů samen gepletzet/ yetzt warm/
denn kalt/ fucht/ vnd drucken/ vnnd wo mit man ein
hülfft/ verderpt man das ander.

Doctor Heyoho.

185 Ja herr Doctor/ jr redend recht/ vñ von der wur=
tzel diser sach/ es haben vil jr kunst daran vnnützlich
verschlissen/ ich sorg wir gewinnend auch als vil ehrē
an diser arbeit/ als der honig im sprachhuß sücht/ des
lon sind beschyssen hend.

190 Doctor Rundegk.

Nun sind wir jm bad/ gott geb wir schwitzen oder
nit/ darumb erfordert die nott/ ein kurtzen radt/ dañ
diser Meß todt ist vnser aller pestilentz/ ja ein verze=
rend feür/ welches vßtrücknet den lüstigen brunnen/
195 vß dem da fleußt vnser gemachsam/ feißt/ versichert
vnd überflüssig leben.

Münch Agrist.

Herr biß gelobt/ die Meß facht an schwitzen/ ich
hoff es wöl besser vmb sy werden.

200 Hug Schneepfeffer.

Jaja sy bessert sich/ wie ein zwentzig jårig roß/ der
fisch an der sonnen/ vnd das korn im hagel/ es ist der
todtschweyß/ als gewyß als gott lebt.

Doctor Rundegk.

205 Mir ist ein gůter zůfal komen/ es vermags die na=
tur/ das die löwen jre iungen todt geben/ vnd dem=
nach mit starckem geschrey lebend/ vnnd krefftig ma=
chend/ nun ist die Meß ein geschöpfft von dem Rō=
mischen stůl geborē/ darumb wend wir vns mit star=
210 ckem geschrey/ der Römischen kilchen darüber stellē/

mit grossen worten/ krefftiger stym der vätter/ lerer/
vnd Concilien/ vñ sy auch widerumb erwecken/ sunst
ist weder hoffnung noch zůflucht/ aber das mittel
würt helffen/ nun nun/ schrey Doctor schrey/ eins stāt=
215 ten schreyens.

Doctor Heyoho.

Ich fürcht wir werdent ee heysram/ vnd müd/ deñ
die Meß gesundt/ vnd lebendig/ vns wirt athams ge=
presten/ doch wag ichs zů versůchen.

220 Doctor Schryegk.

Wir müssend ander schreyer auch bestellen/ es wer
sunst über vnser macht/ vnnd die selbigen wol salben/
mit hammer ancken/ so gadt es glatt vßhår.

Doctor Heyoho.

225 Wir hend des hammer anckens so vil verschmidt/
das ich möcht lydē/ die salb wer wider in der büchsen.

Doctor Schryegk.

Ey potz marter/ sind vnerschrocken/ ich wil schrey=
en/ das es als erbidmet.

230 Gottsfryd Schnydluft.

Sy sol wol mer kranck/ toub/ vnnd blōd werden
von eüwerem geschrey/ dann starck/ vnnd lebend/ jr
gend jro erst ein fürdernuß zum tod/ sōlich tōub hört
nit zů den schwachen/ dann ir natur vergleycht sich
235 mer den hasen/ dann den löwen.

(je lenger sy schruwen/ ye schwächer
die Meß ward.

Marti Bitterbüchßlj.

240 Hörend vff schryhen/ in Gottes namen/ sehend jr
nit/ das die Meß zücht/ so verstandt jr üch nüt vffs
sterben.

Galli Schmollzan.

Fürwar die Meß ist schwach/ vnnd dem todt nã=
her/ dann Schaffhusen dem Reyn/ sehend zů wie
245 zuckt sy mit den achßlen/ die augen sind jr yngefallen/
sy ist als bleich vmb den schnabel/ vnnd als rößlecht
vmb die backen/ wie ein vnbachen wyßbrot/ oder ein
wolgesotten ey/ wie ist jro die naß so spitzig/ vnd gand
jr die naßbelg so schnell/ der bulß schlecht jr nüt mer/
250 das ist ein böß zeichē/ sy nimpt den athem tieff/ vñ me=
chtig kurtz/ dräffenlich schnell/ ist voll todtflecken/ sy
wirts nit lang triben/ die füß sind jr schon erkaltet.

Doctor Schryegk.

Wir wend einandern helffen/ vnd sy zum Fegfeür
255 tragen/ ob sy widerumb erwirbt möcht werden.

Ludy Müßkorb.

Die puren hand das wichwasser drin geschütt/ vñ
das Fägfhür erlöschē/ vnnd sitzen münch/ bettler/
vnd nunnē im rauch/ das jnen die augen überlauf=
260 fen/ demnach sind etlich so fräffel gesin/ das sy inn
kessel geschissen hand.

Hartman Nünesel.

Das ist der Meß ein schädlicher todtstich/ dann
vom Fägfeür hat sy gelebt/ wie der fisch vom wasser/
265 das was die rechte alp/ vnnd weyd/ daruff sy so feyßt
worden ist/ nun mag sy doch nit lebē/ ob jr schon sunst
nüt gepräst/ so müßt sy hungers sterben.

Doctor Heyoho.

Wir wend sy zů den lieben heyligen verheyssen/ zů
270 vnser lieben frauwen/ by den syben eychen/ do ist gar
ein gnadreych bild.

Niclaus Welenmann.

Da wurdent jr gleich versorget/ wie ein nackender
mit dem winter/ dañ die hācks/ so die selb wallfahrt vß
275 geheiß jrs bülens des tüfels verursacht/ hat man zů
Bern verbrent/ demnach die capel sampt huß vñ hoff

zerstört/ vnd sind die wurmstichigen götzen verrückt/
rattend wohin.

Doctor Heyoho.

280 Wer hat das angericht/ die puren sind vffgewisen/
als gewyß Gott lebt/ ich schmecks.

Uly Vbertzwerchs.

Ich weyß wol/ Christus hats than/ Matth. am .xj.
da hat er jnnen gerufft/ vnnd gesprochen. Kommend hâr
285 zû mir alle/ die jr arbeytend/ vnd beladen sind/ ich wil
ûch rûw geben/ Sy hand auch gelesen das Euange=
lium/ sampt allen Epistlen/ sonders Johannem am
ersten/ vnd .xvij.ij. Exodi am .xx. Esaie am .xliij. Thi
mothej am .ij. Johannis am .xiiij. Hieremie am .xviij.
290 vnd alle Psalmen durch vß.

Doctor Conradus Popentrâyger
von Kolerstatt.

Der tüffel hat sy drüber tragen/ vnd sin müter/ es
thût nymmer gût/ das sy das wyssend.

295 Cuderly Nâbelkapp.

Land ûch lingen jr herren die artzet/ dañ die Meß
ist ye lenger ye schwächer/ sy kürblet/ vnnd lurcket an
der redt.

Doctor Schryegk.

300 Herr frumesser bringend vns vnsern Herr gott/ dz
wir sy versorgend.

Frumesser.

Herr Doctor/ ich mag jn nit erlangen/ der hymel
ist sein stûl/ vnd die erd syn fußschemel/ wie môcht ich
305 jn erlupffen.

Doctor Schryegk.

Ich mein du seyst völler narren dañ der summer
mugken/ bring vns vnsern Herr gott/ oder du muß
gen Costentz vff die schyben/ by dem Gott/ den ich hüt
310 gehept/ vnd gelegt hab.

Frūmesser.

Hand jr in hüt gehept/ wa hand jr jn hingelegt.

Doctor Schryegk.

Ich hab jn gāssen/ weistus nun/ Ich hab jn gessen.

315 Frūmesser.

Ich mein jr syend vōller fantasten/ dann ein zotte=
ter hund flōchen im Ougsten/ vñ vnsinniger/ dañ die
süw/ die sich im meer ertrancktē./ Matth.am .viij. ca.
Hand jr jn hüt gessen/ wo sol dañ ich jn nemem/ lieber
320 ja schickend eins wāgs nach dem wind/ der üch fernn
das hūtin abwarff/ vnd heissend mich glych auch S.
Bernharts bergk zum goldtschmid dragen/ das er
jn in ein gulden ringk fasse/ an ein finger zūstecken/
Das sind mir gūtt sachen.

325 Doctor Heyoho.

Nit vil gespeyws vnnd wenig kramantzens/ nem=
mend die schlüssel/ vnd bringend vns vß dem Sacra=
ment hüßli/ den zartten fronlychnam Christi.

Frūmesser.

330 Er sitzt zū der gerechtē sins vatters im hymel/ oder
vnser artickel des waren Christlichen glaubens/ ja
die gantz heylig geschrift muß falsch sin/ Er ist er=
standen/ vñ ist nit hie/ Luce am .xxij. Greiffend jr vff
hin/ vnnd nemmend jn abhār/ ich bin im zū kurtz/ jr
335 aber sind groß Hansen.

Doctor Heyoho.

Schnell bring vns du Caplan das heylig ōll/ die
zytt nahet sich.

Caplan.

340 Ich merck wol/ jr meinend das ōll/ das man vom
Bischoff kaufft hat/ des ist nit mer im büchßlin/ der
Sygrist hat die schüch mit gesalbet.

Doctor Heyoho.

345 So ist er im Bann/ da mag jm nyemant vor syn/
er muß es theür gnüg bezalen.

Doctor Schryegk.

Schnell bringend ein liecht/ lauff zum beynhuß/ by
den ampelen/ zünd an wunder behend.

Syxst Stich den nebel.

350 Do ist weder feür noch liecht/ kertzen noch ampe=
len/ jr send sin nun nüt dencken/ es sind diß jars ob
den zehen tusent muß vnd ratzen hungers todt/ vnnd
kûchlet des kirchherrn iunckfrauw nit halb als vil/
als vor vier jaren.

Doctor Heyoho.

355 So hör ich wol/ man brent den lieben seelen weder
öle/ ancken/ noch vnschlyt/ vnnd thût jnen nüt gütts
nach/ das gott erbarm/ war zû ist es komen/ wer hat
die jrrung hie pflantzet/ oder was ist die vrsach.

Pauly Wattimtauw.

360 Als der Römisch versprochen applas/ so vil schul=
dig was/ vñ gelten solt/ das er mit dem schellmen vom
land muß lauffen/ hat er vor vnnd ee den nachtliech=
tern grosse ding verheissen/ darumb sind sy im nach
365 zogen/ aber sy werdent alle erlöschen/ ob sy jn bettret=
tend/ sonder so sy nit zûschub stür vnd hytz vom Feg=
feür hand.

Burcky Reygelbett.

370 Was darff man jr/ der nachtliechter/ die todten
schedel sehend nüt/ so tantzen die hültznen götzen nit/
so hat gott erschaffen alle liechter/ himelisch vnnd jr=
disch/ bey jm ist die ewig klarheit/ vnd kein finsternuß/
darumb ist es ein heidnische thorheit/ jm vnderstan
mit liechtern zû dienen.

Doctor Thoman Katzenlied.

375 Bringend vns doch ein wenig pallmen/ das wir
ein gesegneten rauch machend/ für das böß gespenst.

Wolffgang Adlerey.

Die wyber hand vor vier iaren das fleisch mit ge-
380 reicht/ vnd sidhâr kein nymmermer lassen beschwerē.

Doctor Lügegk.

Wo nun vß sprach der fûchß in der fallen/ yetzt sind
wir im meer on schiff vnnd rûder/ wer kan kûchlen on
feür/ vñ ancken/ oder on fâderen fliegen/ es wer gleich
385 als mûglich/ das gantz meer an den regen bogen zû
hencken/ wie ein brot wurst an ein stecken/ das es tûrr
vnd druckē wurd/ Als diser Meß zûhelffen/ so sy schon
verlorn hat die rechten hertz adern/ nemlich das Feg=
feür/ welches in seiner flucht mit jm hinweg gefürt
390 hat/ begrebt/ dritten/ sibenden/ dryßgost/ vigil/ vnd
jarzyt/ sampt iren opffern/ liechtern/ wiewasser/ ôl/
vñ pallmē. Nun radt râtter gût/ wie wir vnbrent vō
kessel komend/ es hilfft doch weder schryen noch salbē.

Doctor Heyoho.

395 Sôlt sie vns vndern henden sterben/ so wurd vns
nüt für den artzet lon/ darumb wil not sin/ vns von
hinnen zûfügen/ ob sie deñ in vnserm abwesen stirbt/
so wend wir sprechen/ sie sey ermôrdt.

Doctor Schryegk.

400 Ich folg/ ir hands erratten/ vnd wol troffen/ hettē
wir die hamer ancken salb/ so wir verschmirbt hand/
wider in der büchsen/ wir wôltend vns selber mit sal=
ben/ das ist nun ein verlorne redt/ bringt eben als vil
frucht/ als vogel leim im pfâffer/ Ich radt wir reit=
405 tend von hinnen/ vñ wer vns fragt/ wie stadt es vmb
die Meß/ wend wir antwurten/ wol/ wol/ marter
lyden wol/ sie hatt gestern ein vortantz mit dem le=
gaten.

Doctor Lügegken knecht/ Fâytt
410 verzech den stiffel.

Potz marter Herr/ wo wôlt jr mit den süwen al=
len hyn/ die jr dise jar mit üch heym bringend/ man
würt vns für fürkôuffer vff fahen.

Doctor Schryegk.

415 Laß meich vngefatz/ dz deich sant Veltins arbeit
besteh/ els bûben/ eich hab sunst gnûg/ das meich be
trûbt/ woltst du meich erst gespoyen.

 (Darum zû Bergkwasser wind/ nebem stuben
 offen/ vff der zûkunfft des Her=
420 ren Nachtmals.

M.D.XXVIII.